



CT
370
1175
1805
v. 3



典故卷之二

婦言篇

○班氏曰。婦言不必辯口利辭也。擇詞而說。不道惡語。時然後言。不厭于是。謂婦言。

右第一章。承首篇婦言而立言也。以下七十八章。雜引古人之言行以明之。行去聲

○明徐后諭命婦曰。妻之事夫。豈止衣服饋

必有德行之
言相勗方稱

賢內助若徒

勤儉持家在

小民之妻則

可矣命婦則

末矣

食必有德行之助焉。常情朋友之言。有從有

違。夫婦之言。婉順易入。今諸命婦可不思有

以翼贊乎。百姓安則國家安。國家安則君臣

同享富貴無窮矣。

行去聲
易音異

右第二章婦人之言。不出閭閻所最

相親切。朝夕談論者。惟夫耳。然恃牀

第之愛。放言媚辭。君子以為褻也。忠

臣事君。繩愆糾謬。賢女事夫。道亦如

之。則相規以德。正言嶽嶽者。貴焉。述

易夫之言自此以下二十有三章音好

姊

○女曰雞鳴。賢夫婦相警戒之詞也。其詩曰
女曰雞鳴。士曰昧旦。子興視夜。明星有爛。將
翔將翔。弋鳬與鴈。次章曰。弋言加之。與子宜
之。宜言飲酒。與子偕老。琴瑟在御。莫不靜好。
三章曰。知子之來之。雜佩以贈之。知子之順
之。雜佩以問之。知子之好之。雜佩以報之。
之好
去聲

以下引述數章皆身居寵貴而不敢安於佚樂能以道義匡正其君此後妃中之最賢者也

右第三章

○齊雞鳴思賢妃也。妃能相君以德。不留於逸欲。當夙興之時。而心常恐晚。故聞其似者。而以為真。詩人叙其事以美之。其詩曰。雞既鳴矣。朝既盈矣。匪雞則鳴。蒼蠅之聲。次章曰。東方明矣。朝既昌矣。匪東方則明。月出之光。三章曰。蟲飛薨薨。甘與子同夢。會且歸矣。無庶予子憎。

相去聲朝俱音潮薨音轟

右第四章

○周宣王皇后姜氏賢而有德。事非禮不言。行非禮不動。王嘗早臥晏起。姜氏脫簪珥。待罪于東巷。使其傅母傳言于王曰。妾不才。至使君王失禮而晏起。以見君王之樂色而忘德也。人苟樂色必好奢。好奢必窮。欲窮欲者。亂之所興也。原亂之興。從婢子始。敢請罪。王曰。寡人不德。實自生過。非夫人罪也。遂復姜后而勤于政。成中興之業。樂俱音洛。論曰。早臥晏起。怠荒之漸也。人無論貴賤。皆當夙興。

夜寐趨事赴功。惟夫耽樂酒色。乃有俾晝作夜。失禮之羞。夫婦均有過焉。賢女慎微。恐招非議。是宜以姜后爲法。惟夫之夫音扶。樂音洛。

右第五章

○樊姬者。楚莊王夫人也。王好獵。姬諫不聽。乃不食禽獸之肉。王感而改過。勤于政事。嘗聽朝晏罷。姬曰。何晏也。得無饑倦乎。王曰。與賢者語。不知饑倦也。姬曰。王之所謂賢者何也。曰。虞丘子也。姬拚口而笑。王曰。何也。對曰。

妾執巾櫛十餘年。遣人求美人進於王。今賢
於妾者二人。同列者七人。妾豈不欲擅王之
寵哉。不能以私蔽公。欲王多知人也。今虞丘
子相楚十餘年。所薦非子弟。則族皆未聞進
賢。退不肖。是蔽君而塞賢路。妾之所笑。不亦
可乎。王悅。明日以告虞丘子。避席不知所對。
於是避舍。使人迎孫叔敖。以爲令尹。治楚三
年。而王以霸樊姬之力也。
好去聲。朝音。慚相去聲。

右第六章。

○齊桓公好淫樂。其夫人曰衛姬。諫不聽。姬為不聽音樂。齊侯感而放鄭聲。遂霸天下。去聲

聲為去聲

右第七章。

○越姬者。勾踐之女。楚昭王姬也。昭王燕遊。

蔡姬。越姬參乘。登附社之臺。以望雲夢之囿。

王曰。樂矣。顧蔡姬曰。願與子生若此。死又若

此。蔡姬曰。願之。生同樂。死同時。王謂太史書

之。蔡姬許從。孤死矣。顧越姬。越姬曰。昔我先

輕言語者必失信

君莊王。淫樂三年。不聽政事。終而能改。卒霸天下。妾以君王能法先君。將改斯樂。而勤于政也。今則不然而要婢子以死。其可得乎。妾聞之諸姑。婦人以死彰君之善。益君之寵。不聞其以苟從闇死爲榮。妾不敢聞命。王悟加敬禮焉。節○樂俱音洛要平聲居二十五年。王救陳。二姬從。王病在軍中。有赤雲夾日如飛鳥。王問周史。史曰。是害王身。然可移。移于將相。王曰。將相于孤。猶股肱也。何可移禍。越姬曰。大哉。

君王之德。以此妾願從王矣。昔日之遊。淫樂也。故不敢許。今君王復於禮。國人皆將爲王死。而況妾乎。願先驅狐狸于地下。王曰。昔者吾戲耳。若今必死。是彰孤不德也。越姬曰。昔日妾雖不言。心已許之。妾死王之義。不死王之好也。遂自殺。王薨。蔡姬竟不能死。子閭子西等迎越姬之子熊章立之。是爲惠王。將相俱去

聲樂音洛皆將之將如字爲王死之爲去聲已音以好去聲

右第八章

○齊閔王得宿瘤女。以生諸夫人曰。昨日出遊。得一聖女。今至。斥汝屬矣。諸夫人皆怪之。盛服以待。及至。宿瘤也。宮中皆掩口而笑。王曰。無笑。不飾耳。夫飾與不飾。固相去十百也。女曰。昔者堯舜桀紂。俱天子也。堯舜自飾以仁義。雖爲天子。安于節儉。茅茨不剪。采椽不斲。後宮衣不衣采。食不重味。至今數千歲。天下歸善焉。桀紂自飾以暴虐。習爲苛文。造爲高臺深池。後宮蹈綺縠。弄珠玉。意非有饜時。

也。身死國亡。爲天下笑。至今千餘歲。天下歸惡焉。由是觀之。飾與不飾。相去千萬。尚不足言。何獨十百也。於是諸夫人皆大慚。閔王立以爲后。出令卑宮室。填池澤。損膳減樂。後宮不得重采。期月之間。化行鄰國。諸侯朝之。侵三晉。懼秦楚。一立帝號。宿瘤女有力焉。女死而王怠政。其後燕遂屠齊。閔王走死。夫飾之夫音扶

緣重圓切衣采之衣去聲朝音潮

右第九章

○漢成帝時。班婕妤有寵。帝遊後庭。欲與婕妤同輦載。婕妤辭曰。觀古圖畫。賢聖之君。皆有名臣在側。三代末主。乃有嬖妾。今欲同輦。得無近似之乎。帝善其言而止。太后聞之。喜曰。古有樊姬。今有班婕妤。婕音捷。予音予。

右第十章

○漢主聰立。劉娥爲后。營鷄儀殿以居之。廷尉陳元達切諫。聰怒。命斬之。后上言曰。今宮室已備。無煩更營。四海未一。宜愛民力。廷尉

之言。社稷之福也。宜加封賞。而乃欲誅之乎。
陛下爲妾營殿。而殺諫臣。使忠良結舌。公私
困弊。社稷陷危。天下之罪。皆由于妾。妾何以
當之。妾觀自古敗國喪家。未始不由婦人。不
意今日身自爲之。誠無面目復奉巾櫛。願賜
死此堂。聰覽之變色。引元達上。以表示之。曰。
外輔如公。內輔如后。朕復何憂。更名園曰納
賢園。堂曰愧賢堂。鷄與凰同已音以爲妾之
爲去聲喪去聲復扶又切

右第十一章

龜茲音即茲

西域國名羣

玉□兩宮

也

湛露天子燕
諸侯之詩也

○唐太宗賢妃徐氏名惠。幼能屬文。長有淑德。帝營玉華宮。所費億計。妃以帝東征高麗。西討龜茲。翠微玉華營繕相繼。乃上疏諫。其畧曰。以有盡之農功。填無窮之巨浪。圖未獲之他衆。喪已成之我軍。又曰。地廣非常。安之術。人勞乃易。亂之源。願陛下布澤流仁。矜弊恤乏。減行役之煩。增湛露之惠。妾又聞爲政之本。貴在無爲。竊見土木之功。不可兼遂。北闕初建。南營翠微。曾未逾時。玉華創制。雖復

因山藉水。非無架築之勞。損之又損。頗有工
力之費。又曰。珍玩奇巧。乃喪國之斧斤。珠玉
錦繡。是迷心之酖毒。作法於儉。猶恐其奢。作
法於奢。何以制後。帝善其言。長上聲麗音離
喪俱去聲已音
以易音異
酖音鳩

右第十二章

○遼主天祐好獵。往往以國服先驅。所乘馬。
名飛電。瞬息千里。常馳入深林邃谷。扈從求
之不得。后肅氏患之。乃上疏諫曰。妾聞穆王

遠駕周德川。哀太康。佚豫夏。社幾危。此游畋之往戒。帝王之龜鑑也。頃見駕幸秋山。不閑六御。特以單騎從禽。深入不測。此雖威神所屆。萬靈白爲擁護。倘有絕羣之獸。果如東方所言。則溝中之豕。必敗簡子之駕矣。妾雖愚闇。竊爲社稷憂之。惟陛下尊老氏馳騁之戒。用漢文吉行之旨。不以其言爲牝雞之晨。而納之。聲竊爲之爲去聲

右第十三章

○劉氏晉王李克用妻也。克用追黃巢還軍過梁。朱溫陽爲歡宴。陰伏兵夜半攻之。克用逃歸。卽議擊溫。劉氏諫曰。公本爲國討賊。今梁事未暴而遽反。兵相攻。天下聞之。莫分曲直。不如斂軍還鎮。自訴于朝。然後可聲罪也。
爲國之爲士聲
暴音曝朝音潮

右第十四章

○劉智遠至晉陽。議出民財以賞將士。夫人李氏諫曰。陛下因河東創業之基。布惠澤及

以不殺人為
本一語真不
愧為天下之
心

民而先奪其生資。殆非新天子所以救民之
意也。請悉出宮中所有勞軍。雖復不厚。人無
怨言。智遠從之。中外大悅。將去聲
勞去聲

古第十五章

○明太祖初渡江。如馬氏謂之曰。方今豪傑
並爭。雖未知所歸。以妾觀之。惟以不殺人為
本。人心所歸。即天命所在。若殺掠以失人心。
雖其身亦難保也。太祖從之。及即位。立為皇
后。節帝以馬皇后賢。嘗比之長孫后。后曰。妾

聞夫婦相保。易君臣相保。難妄安敢比。長孫
皇后。但願陛下以堯舜爲法耳。節○長俱上聲易音異

洪武十三年。丞相胡惟庸謀不軌。伏誅。時宋
濂已致仕。以孫慎坐胡黨。械濂至京。帝怒。欲
殺之。后諫曰。民間延一師。尚始終不忘恭敬。
宋先生親教太子諸主。豈忍殺之。且宋先生
家居。寧知朝廷事耶。帝意乃解。節○相去聲已音以朝
音潮帝以威武治天下。后嘗濟之以寬仁。每見
帝震怒回宮。必問今日處何事。怒何人。因泣

已下數章皆
賢婦能以道
義學問成就
無失者

諫曰陛下居上位有衆子。正宜積德不可暴
怒致殺死者。冤枉活人性命。乃子孫之福。國
祚亦長久。帝從之。

右第十六章

○潼州王藻爲府獄吏。每日携金歸。妻疑其
鬻獄。因遣婢餽豚蹄十脡。及歸。給云送十三
具。藻怒婢竊酷掠之。婢不勝痛。自誣服。妻曰。
君日持錢歸。我疑爲鍛鍊所得。姑以婢事試
君。夫刑罰之下。何事不承。願自今勿以一錢

來不義之物藻瞿然大悟因題壁曰從今不
願持刀筆放下歸來遊翠林卽施散所有人
由遠遁。紇道海切厭平聲夫音扶論曰世間婦女但知有
金錢耳。邊計其來之不義哉。王藻之妻可謂
有仁心者矣。

右第十七章

○晉叔姬者羊舌子之妻。叔向叔魚母也。叔
向名肸。叔魚名鮒。羊舌子好直。不容于國。夫
而之三家之邑。邑人共擬羊而遺之肉。羊舌

子不受。叔姬曰：夫子居晉，不見容，去之三家之邑，又不容，是終無所容也。姑受之，無逆其善意。羊舌子受之，曰：以食盱，若鮒矣。叔姬曰：不可。南方有鳥，其名曰乾吉，食其子，不擇肉。子常不遂，今盱與鮒，童子也，隨大人而治化，不可食，以不義之肉，不如座之無何，攘羊事發，都吏至。羊舌子曰：以吾求容于此，不敢無受。然受之，不敢食也。發而視之，乃兔。盱黑乙切鮒音

附好去聲食俱音嗣惟不敢食也之食如字座音意

右第十八章

○河南樂羊子。嘗行路得遺金一餅。還以與妻。妻曰。妾聞志士不飲盜泉之水。廉者不受嗟來之食。況拾遺求利。以汙其行乎。羊子大慙。乃捐金于野。而尋師遠學。節○其行之羊行去聲子遠尋師學。一年來歸。妻跪問其故。羊子曰。久行懷思。無他異也。妻乃引刀趨機而言曰。此絲生自蠶繭。成于機杼。一絲而累。以至于寸。累寸不已。遂成丈匹。今若斷斯織也。則捐

失成功。稽廢時月。夫子積學。當日知其所亡。
以就懿德。若中道而歸。何異斷斯織乎。羊子
感其言。復還終業。也音以斷俱都論曰。羊子
之妻。是能使貧夫廉。懦夫有立志者也。行路
拾遺。且以爲恥。況非道取人財乎。遠學一年
來歸。猶恐稽廢時月。況懷安以敗名乎。有此
賢妻。而不奮勵者。鮮矣。

右第十九章

○姜氏齊桓公女也。晉公子重耳奔齊。公妻

重耳得返國
皆姜氏與諸
臣之力也

之有馬二十乘公子安焉從者以為不可將
行謀于桑下。蠶妾在其上以告姜氏。姜氏殺
之。而謂公子曰。子有四方之志。其聞之者吾
殺之矣。公子曰。無之。姜曰。行也。懷與安實敗
名。公子不可。姜與子犯謀醉而遣之。妻去聲
從去聲

右第二十章

○晏子為齊相。出其御之妻。從門間而規其
夫。其夫為相御。擁大蓋策駟馬。意氣揚揚甚
自得也。既而歸。其妻請去。夫問其故。妻曰。晏

子長不滿六尺。身相齊國名顯諸侯。今者妾
觀其出。志念深矣。常有以自下者。今子長八
尺。乃爲人僕御。然子之意。自以爲足。妾是以
求去也。其後夫自抑損。晏子怪而問之。御以
實對。晏子薦以爲大夫。相俱去

右第二十一章

○王章爲諸生。遊學長安。獨與妻居。章疾病。
無被。臥牛衣中。與妻訣而泣。妻怒曰。仲卿今
京師尊貴。列朝廷。誰踰仲卿者。卽病困當激

貧困時不克
振臂盛時
不知止足庸
人多犯此病

昂自起。何至效兒女子相向涕泣耶。章悚然。
病竟起。後爲京兆尹。欲上封事。妻止之曰。人
當知足。獨不念牛衣中涕泣時耶。章不聽。竟
死于獄。朝音

右第二十二章

○許允婦阮氏。衛尉共之女也。奇醜。父禮竟。
允遂不復入。家人深以爲憂。有客恒範勸之。
允乃入。內謂婦曰。婦有四德。卿有其幾。對曰。
新婦所乏。惟容爾。然士有百行。君有幾。允曰。

皆備婦曰夫自行以德爲首君好色不好德
何謂皆備允慚遂相敬重共平聲幾俱上聲
行俱去聲夫音扶
好俱
去聲

右第二十三章

○司馬溫公爲小官時夕遇盜笥中衣盡亡
天向寒無續絮頗嘆惋夫人張氏曰但願身
安衣可復有公爲之釋然笥音四

右第二十四章

○公父文伯出學而歸其友從而後上堂降

已下數章皆
賢母能以義
方成就其子
者也

階趨行奉劍而正履。母敬姜召而數之曰。昔
者武王罷朝。結履之綦絕。左右顧無可使結
者。俯而自結之。故能王桓公立于朝。有坐友
三人。諫臣五人。日舉過者三十人。故能霸周
公。一食而三吐哺。一沐而三握髮。所執贄而
見于窮閭者七十有餘人。故能相王室而天
下宗周。彼其所與遊者皆益也。子則皆爲役
矣。於是文伯乃謝罪。擇嚴師賢友而事之。引
飪而親饋焉。父上聲奉。上聲朝。朝俱
音朝。綦音忌。相去聲。論曰。此訓

子下賢者也。貴倨自尊。則賢士不與我遊。而
諂諛人至。隕聲望。敗勳名。皆由此爾。自古能
成大業之人。未有不謙恭善下。以收忠告之
益。而得人心死力者。敬姜訓子。真萬世之格
言哉。

右第二十五章。母子之間。朝夕晤語。
則訓以義方。弗納於邪者。貴焉。人當
父兄之督責。師保之董戒。雖在中材。
無致刺謬。然有時不可必得。則恣焉。

者多矣。朋友知之。或不敢言。言之。或不能盡。慈闈提撕。瞿然警覺。功與父師等塢耳。述訓子之言。自此以下十

五章

○楚將子發攻秦。絕糧。使人請于王。因歸問其母。母問使者曰。士卒無恙乎。對曰。士卒併分菽。豈而食之。又問將軍無恙乎。對曰。將軍朝夕芻豢黍粱。子發破秦而歸。其母閉門不納。使人數之曰。子不聞勾踐之伐吳乎。投醪

飲江分食糗糒與士卒同甘苦也。子使人入於死地而自康樂於其上。雖有以得勝非其術也。子非吾子。無入吾門。子發謝罪然後納之。將去聲使者之使去聲醪音牢樂音洛

右第二十六章

○吳夫人者。孫堅妻。孫策母也。策以功曹魏騰忤已意。將殺之。吳夫人倚大井謂之曰。汝新造江南。其事未集。方當優賢禮士。捨過錄功。魏功曹在公盡規。汝今日殺之。則明日人

皆叛汝。吾不忍見禍之及。當先投此井中耳。
策大驚釋之。

右第二十七章

○宋村太后治家嚴而有法。太祖卽尊位拜
于殿上。羣臣稱賀。后愀然不樂。左右進曰。臣
聞母以子貴。今子爲天子。胡爲不樂。后曰。吾
聞爲君難。天子置身兆庶之上。若治得其道。
則此位可尊。苟或失馭。求爲匹夫不可得。是
吾所以憂也。太祖再拜曰。謹受教。

節口樂俱
音各

觀社曹二后
齊論皆安不
志危深明治
體者宋朝理
學實二后啟
之也

仁宗皇后曹氏神宗皇帝祖母也性恭儉涉
經史慈愛天至帝事之亦至孝竭誠帝嘗有
意于燕薊已與大臣定議乃詣太后白其事
后曰儲蓄賜予備乎鎧仗士卒精乎帝曰固
已辦之矣后曰事體至大吉凶悔吝生乎動
得之不過南面受賀而已萬一不諧則生靈
所係未易以言苟可取之太祖太宗收復久
矣何待今日帝曰謹受教薊音冀已俱音以
予出聲易音異

右第二十八章

盜賊明知犯
法或有逼於
饑寒而無可
如何者此則
乃借王法枉
且民以濟已
私優劣尚自
可判

○崔玄暉母盧氏嘗誡其子曰吾見姨兄屯
田郎中辛玄馭曰兒子從宦者有人來云貧
乏不能存此是好消息若聞貲貨充足衣馬
輕肥此惡消息吾嘗以爲確論比見親表中
仕宦者多將錢物上其父母父母但知喜悅
竟不問此物從何而來必是祿俸餘資誠亦
善事如其非理所得此與盜賊何別縱無大
咎獨不內愧於心故玄暉遵奉教誡以清謹
見稱暉音委馭音遇論曰此教子居官之要

務千秋之龜鑑也。父母以錢物爲喜悅而子能廉者鮮矣。

右第二十九章

○齊相田稷子受下吏之金百鎰以遺其母。母曰安所得此。稷子以實告母曰吾聞士脩身潔已不爲苟得竭情盡實不爲詐行非義之念不萌于心非禮之利不入于家故言行若一而情貌相副。今君設官以待子厚祿以養子而子若是去忠遠矣不義之財非吾財。

今日能如是
母者固少然
能如是子者
不更少耶

身為魚官以
鮮寄母此亦
常事而兩母
猶寄之名此
正防微杜漸
之意也

也。不忠之子。非吾子也。稷子慚而出。反其金。
席蒙謁王。請就誅。王高其母之義。以公金賜
焉。舍稷子而復其位。齊州之相去聲行
俱去聲舍上聲

右第三十章

○吳孟仁為監魚池司馬。自結網捕魚作鮮
寄母。母還之曰。汝為魚官。以鮮寄我。非避嫌
疑也。節○鮮側
馬反晉陶侃少為縣吏。嘗監魚池。
以魚鮮遺母。母湛氏封鮮責之曰。汝以官物
遺我。非惟不能益我。反增吾憂耳。少去聲湛
音淺上聲

右第三十一章

○唐長孫皇后訓諸子。嘗以謙儉爲先。太子患乳母以東宮器用少。請奏益之。后曰。太子患德不立。名不揚。患無器用耶。長上聲

右第三十二章

○王孫賈仕于齊。淖齒亂。湣王出走。賈失王之處。其母曰。汝朝出而晚來。則吾倚門而望。汝暮出而不還。則吾倚閭而望。汝今事王王出走。汝不知其處。汝尚何歸。於是湣王及于

難賈乃入市中呼市人誅淖齒而歸。淖乃教切。潘與

閔同處俱去聲難去聲論曰此訓予以忠者也賈之討

賊立功其母激成之耳。

右第三十三章

○晉虞潭爲南康太守值杜弢構逆母孫氏勉潭以必死之義傾其資產以餽將士潭遂克捷蘇峻反潭假節征峻孫氏戒之曰吾聞忠臣出孝子之門汝當捨生勿以吾老爲慮也盡發家僮佩服以助軍資內史王舒遣子

允之爲督護孫氏又謂潭曰王府君遣子從
征汝何獨不遣潭卽以子楚護軍與允之合
勢峻平封武昌侯太夫人加金章紫綬宰相
皆就拜謁守去聲將去
聲相去聲

右第三十四章

○王經少貧苦仕魏至二千石母語之曰汝
本寒家子仕至二千石此可以止乎經不能
用及爲尚書遇高貴鄉公髦之難司馬昭收
之并及其母經涕泣謝母曰不從母教以至
禍先至而論
今早退者母
子之情也禍
既至而勸今

從容就死者
君臣之義也
北實有所得
安能倉猝中
整暇如此

今日。母顏色不變。笑而謂曰。人誰不死。往所以止汝者。恐不得其所也。爲子則孝。爲臣則忠。有孝有忠。何恨之有。少去聲 難去聲

右第三十五章

○東漢宦官治鈞黨。殺名賢李膺杜密等百餘人。有詔捕范滂。滂自詣獄。縣令郭揖欲與俱亡。滂曰。滂死則禍塞。何敢以罪累君。又令老母流離乎。其母就與之訣曰。汝今與李杜齊名。死亦何恨。滂謹受教。再拜而辭。顧其子

曰吾欲使汝爲惡則惡不可爲使汝爲善則
我不爲惡行路聞之莫不流涕

節○傍音零

蘇母

程氏洵妻也。二子軾轍幼。母親教之。戒之曰。
汝讀書勿效兒曹輩。欲以書自名而已。嘗夜
讀。范滂傳。軾慨然起。跪請曰。兒願爲滂。夫人
許我乎。母大喜曰。汝能爲滂。吾不能爲滂。母
乎。後二子皆忠直。敢諫爭。母教然也。

已音以傳去聲

右第三十六章

○唐侍御史王義方欲奏彈李義府。先白其

母曰義方爲御史。視姦臣不糾。則不忠。糾之則身危。而憂及于親。爲不孝。奈何。母曰。昔王
母殺身以成子之名。汝能盡忠以事君。
恨義方乃奏義府擅殺命官。對仗叱
義府。顧望不退。義方三叱之。如下
高宗以義方毀辱大臣。貶爲萊州
司戶。

第三十七章

○劉安世初除諫官。未拜命。入白其母曰。朝

廷不以兒不肖使居言路。諫官須明。時張膽
以身任國。脫有觸忤。禍譴立至。主上方以孝
治天下。若以母老辭。當可免。母曰。不然。吾聞
諫官爲天子諍臣。汝父平生欲爲之。而弗得。
汝幸居此地。當捐身以報國恩。使得罪流放。
無問遠近。吾從汝行。不憚矣。安世受命。是以
正色立朝。面折廷爭。人目之爲殿上虎。朝俱音潮

右第三十八章

○張夫人計氏。魏公張浚母也。浚謫永州。念

秦檜誤國。欲力論時事。恐母年高。致禍不能。
堪。內憂之。體爲之瘠。母怪。問以實。對母不應。
惟誦其父紹聖初對策之言曰。臣寧言而死。
於斧鉞。不忍不言。以負陛下。浚意遂決。書上。
竄封州。母送之曰。行矣。汝以忠直得禍。何愧。
惟勉讀聖人書。無以家爲念。體爲之
爲去聲

右第三十九章

○內則曰。父母有過。下氣怡色。柔聲以諫。諫
若不入。起敬起孝。悅則復諫。節○復扶
又切孔子

曰事父母幾諫。見志不從。又敬不違。勞而不怨。

右第四十章。夫有過。可以力爭。子有過。可以扑督。過出于父母舅姑。斯亦難矣。欲語不敢。欲嘿不能。將何道而可。曰有幾諫之法。在將順。遂非非所以爲孝也。述幾諫之言凡四章。

○樂羊子就學七年不返。妻嘗躬勤養姑。又遠饋羊子。嘗有他舍雞。謬入園中。姑盜殺而

卷之二
食之。妻對雞不餐而泣。姑怪問其故。對曰。自傷居貧不能供具。致使食有他肉。姑感而棄之。
養去聲

右第四十一章

○周才美有子婦。賢且能。才美將以家政付之。諭以斗斛稱尺各二。并出納輕重便宜。婦不悅。拜辭舅姑。請去。才美愕然曰。吾家薄有田業。何去爲。婦曰。翁平日所爲。有逆天道。妾心有愧。居之不安。才美曰。汝言誠是。當悉除。

毀婦曰。未也。翁用此幾年矣。才美曰。約二十
餘載。婦曰。必欲妾留侍奉。若許以小斗量入。
大斗量出。小稱短尺買物。大稱長尺賣物。二
十餘年。以酬前日欺瞞之數。妾卽願留。才美
感悟。欣然許之。婦所生二子。皆年少登科。稱
去聲。幾上聲。量
俱平聲。少去聲。

本第四十二章。

○馮氏。歐公池妻也。公池有兩弟。皆庶出。翁
欲厚嫡子。馮氏請曰。嫡庶子爲父母服喪有

差等乎。翁曰：「一也。」馮氏曰：「三子皆翁所生，服既無差等，財產可獨差等乎？甚非後福。媳所不願，翁賢而從之。」

右第四十三章。

○公父文伯之母如季氏。康子在其朝，與之言，弗應。從之。及寢門，弗應而入。康子辭于朝，而人見曰：「肥也不得聞命，無乃罪乎？」曰：「子弗聞耶？」天子及諸侯合民事于外朝，合神事于內朝，自卿以下合官職于外朝，合家事于內。

朝寢門之內。婦人治其業焉。上下同之。夫外朝。子將業君之官職焉。內朝。子將庀季氏之政焉。皆非吾所敢言也。父上聲。朝俱音潮。論夫音扶。庀音普。弭切。曰。與言弗應。疑其近於非禮矣。然婦言不踰閭。朝者敷布政令之所。非婦人出話之區。不應禮也。敬姜爲康子之從祖叔母。年老分尊。處不當言之地。尚且不輕矢口。雖有問焉。弗敢應。守禮之至者也。朝音潮。從去聲。分去聲。

右第四十四章婦人之義莫重于禮

記曰。人有禮則安。無禮則危。禮不可
不學也。一出言而不敢忘禮。故禮所
不當言。則不言。是婦言之正則也。一
舉動而不敢忘禮。則發乎情。止乎禮
義之言。人亦不厭其言也。述守禮之
言。自此以下凡七章。

○唐長孫皇后好讀書。造次必循禮法。太宗
深重之。嘗與議賞罰。后辭曰。牝雞之晨。惟家
之索。妾婦人安敢預聞政事。固問之。終不對。

長上聲好去聲造音慥

右第四十五章

○憲宗皇后郭氏。汾陽王子儀之孫。暖之女也。穆宗有疾。命太子監國。宦官請郭太后臨朝。太后曰。昔武后稱制。幾危社稷。我家世守忠義。非武氏比也。太子雖少。但得賢宰相輔之。卿輩勿預政事。何患國家不安。自古豈有女子爲天下主。而能致唐虞之理乎。

監平聲朝音潮

少去聲相去聲

右第四十六章。

○衛女嫁于諸侯父母終思歸寧而不得爰
賦泉水之詩其詞曰。瑟彼泉水亦流于淇有
懷于衛靡日不思。嬾彼諸姬聊與之謀。次章
曰。出宿于泂飲餞于禰女子有行遠父母兄
弟問我諸姑遂及伯姊三章曰。出宿于于飲
餞于言載脂載牽還車言邁邁臻于衛不瑕
有害四章曰。我思肥泉茲之末歎思須與漕
我心悠悠駕言出遊以寫我憂。

遠去聲牽音
結還音旋

楊氏曰衛女思歸發乎情也其卒也不歸止乎禮義也。聖人著之于經以示後世使知適異國者父母終無歸寧之義則能自克者知所處矣。

右第四十七章

○宣姜之女爲許穆公夫人。閔衛之亡馳驅而歸。將以唁衛侯于漕邑。未至而許之大夫奔走跋涉以不可歸之義來告。夫人憂之爰賦載馳之詩。其詞曰。載馳載驅歸唁衛侯。驅

馬悠悠言至于漕大夫跋涉我心則憂次章
曰既不我嘉不能旋反視爾不臧我思不遠
既不我嘉不能旋濟視爾不臧我思不閔三
章曰陟彼阿丘言采其蠶女子善懷亦各有
行許人尤之衆穉且狂四章曰我行其野芄
芄其麥控于大邦誰因誰極大夫君子無我
有尤百爾所思不如我所之

音倪殿切
蠶音盲

范氏

曰先王制禮父母沒則不得歸寧者義也雖
國滅君死不得往赴焉義重於亡故也

右第四十八章

○作竿之詩。亦衛女思歸寧而作也。其詞曰。
籊籊竹竿。以釣于淇。豈不爾思。遠莫致之。次
章曰。泉源在左。淇水在右。女子有行。遠父母
兄弟。三章曰。淇水在右。泉源在左。巧笑之瑳。
佩玉之儺。四章曰。淇水悠悠。檜楫松舟。駕言
出遊。以寫我憂。籊音狄。遠父
母之遠去聲。

右第四十九章

○宣姜之女。爲宋桓公夫人。生襄公而出歸。

于衛。襄公卽位。夫人思之。而義不可往。蓋嗣
君承父之重。與祖爲體。母出與廟絕。不可以
私反。故作河廣之詩。其詞曰。誰謂河廣。一葦
杭之。誰謂宋遠。跂予望之。次章曰。誰謂河廣。
曾不容刀。誰謂宋遠。曾不崇朝。范氏曰。夫
人之不往。止乎禮義。而不敢過也。

右第五十章

○鄧曼者。楚武王夫人也。楚屈瑕伐羅。鬬伯
比送之。還見楚子。請濟師。楚子辭焉。入以告。

夫人。夫人曰。大夫其非衆之謂。其謂君撫小民以信。訓諸司以德。而威莫敖以刑也。莫敖狃於蒲騷之役。將自用也。必小羅。君若不鎮撫。其不設備乎。夫固謂君訓衆而好鎮撫之。召諸司而勸之以令德。見莫敖而告以天之不假易也。不然。夫豈不知楚師之盡行也。楚子使賴人追戒之。不及。而莫敖師果覆。久之。武王伐隨。將齋告。夫人曰。余心蕩。夫人退。嘆曰。盈而蕩。天之道也。先君知之。故臨武事。發

大命而蕩王心焉。王祿盡矣。若師徒無虧。王薨于行。國之福也。王行卒于櫛木之下。好去聲易

音異櫛謨官切音滿平聲
夫固夫豈之夫俱音扶

右第五十一章。人無遠慮。必有近憂。斯明哲者貴焉。婦人見識幾何。欲以小慧逆億。難矣。然天下盛衰消長。禍福倚伏。天道入事。有開必先。固可以理信之耳。據理而談。使知趨避。亦足補救萬一。非多言也。述賢智之言。自

此以下十八章幾上聲長上聲

○密夫人者密康公之母也。有獻三女于密侯者而豔。母曰必致之王。夫獸三爲羣。人三爲衆。女三爲粲。王田不取羣。公行下衆。王御不參一族。夫粲美物也。王而獲此猶且不堪。況汝小醜乎。汝必獻之。康公不聽。王滅密。豔與艷同。夫獸夫粲之。夫俱音扶。

右第五十二章

○臧文仲將使齊。其母謂之曰。汝刻而無恩。

好盡人力。好窮人以威。魯之寵臣多怨之。其不免也。夫必施德而求助焉。於是文仲自結于大夫國人而後行。齊果止。文仲欲興兵而襲魯。文仲遣開使遺公書。恐人得之。爲隱語曰。斂小器。投諸台。食獵犬。組羊裘。琴之合甚。思之臧我。羊。羊有母。食我以同魚。冠纓不足。帶有餘。書至。莫測也。問其母。母泣下沾襟曰。君之臣見止矣。斂小器。投諸台。言取郭外民納之城中也。食獵犬。組羊裘。言趣饗戰鬪之。

土繕甲兵也。琴之合甚思之。言思妻臧我羊。
羊有母告妻善養母也。食我以同魚。同魚文。
錯錯以治鋸。鋸治木也。是有木治繫于獄矣。
冠纓不足帶有餘。言頭亂不得梳。饑不得食。
也。於是魯侯軍于境。爲備焉。齊兵聞有備而
還。免文仲而歸之。使俱去聲。好俱去聲也。夫之夫音扶。閒去聲。食俱音
嗣。惟饑不得食之食。如字。趣音促。養去聲。

右第五十三章

○齊桓公與管仲謀伐衛。退朝而入。衛姬望

見公下堂再拜請衛君之罪。公曰：吾與衛無
故。姬何請耶？對曰：妾望君之入也，足高氣彊，
有伐國之志也。見妾而色動，意在衛也。是以
請。桓公許諾，明日臨朝。揖管仲而進之。管仲
曰：君舍衛乎？公曰：仲父安識之？管仲曰：君之
蒞朝也，恭而言也徐，見臣而有慚色，是以知
之。公曰：善。夫人治內，仲父治外，吾無憂矣。

朝俱

音泐舍音捨
父俱上聲

○晉文公爲公子出亡過曹曹共公不禮焉
僖負羈之妻謂其夫曰君無禮於晉公子吾
觀其從者皆賢人也若以相公子反晉國必
得志於諸侯得志於諸侯而誅無禮曹其首
也子盍早自貳焉乃饋公子壺飧而加璧焉
文公受飧返璧三年晉師伐曹命無入僖負
羈之宮而免其族報施也共平聲從去聲相去聲

右第五十五章

○鍾離春者齊無鹽邑之女宣王后也極醜

無雙白頭。深目長指大節。印鼻結喉。肥項少
髮。折腰山。胷皮膚若漆。年四十無所容。宣王
召而問之。鍾離春不對。但揚目銜齒。舉手拊
膝曰。殆哉。殆哉。王曰。願聞命。對曰。大王之君
國也。西有衡秦之患。南有強楚之讐。內聚奸
臣。衆人不附。春秋四十壯男不立。一旦山陵
崩弛。社稷不定。此一殆也。漸臺五重。金玉琅
玕。珠璣翡翠。幕絡連飾。萬民罷極。此政殆也。
賢者匿于山林。諂諛強于左右。邪僞立朝。忠

諫不通此三殆也。飲酒沈湎以夜繼晝。女樂
俳優縱橫大笑。外不脩諸侯之禮。內不秉國
家之治。此四殆也。宣王喟然而嘆曰。痛乎無
鹽君之言。乃今聞之。於是折漸臺。罷女樂。退
諂諛。選兵馬。實府庫。招直言。立太子。拜無鹽
女爲后。而齊國大安。重平聲罷極之
罷音疲朝音潮

右第五十六章

○陶大夫答子治陶三年。名譽不興。家富三
倍。其妻數諫不聽。居五年。從車百乘歸休宗

卷之六

人擊牛醺酒而賀之。妻抱兒泣請去。姑怒曰：「何不祥也？」妻曰：「妾聞之能薄而宮大，是謂嬰害無功而家昌，是謂積殃。昔令尹子文之治國也，家貧國富，君敬民戴，故福結于子孫，而名流于後世。今夫子貪富務大，不顧後害，家富而國貧，此敗徵也。」妾聞南山有玄豹，霧雨七日而不下食，欲以澤其毛而成文章，故藏而遠害。夫豈不擇食以肥其身，坐而須死耳？願與少子俱脫。」姑怒遂棄之。處期年而答子。

詠母以老免妻乃與少子歸養終其天年。音醢
師遠去聲少俱
去聲養去聲

右第五十七章

○田嬰子之妾謂嬰子曰君相齊三年矣齊
不加廣而君家富累萬金且門下不見賢者
妾聞將門必有將相門必有相今君後宮蹈
錦綺而士不得裋褐僕妾茹膏梁而士不厭
糟糠公家之士日損妾竊怪之嬰子曰賢妾
也加敬重焉。相俱去聲將俱去
聲裋而遇切音孺

右第五十八章

○晉伯宗每朝其妻必戒之曰盜憎主人民惡其上子好直言必及于難伯宗不能從節

○朝音潮惡去聲好去聲難去聲

伯宗朝以喜歸其妻曰子

貌有喜何也曰我言于朝諸大夫皆謂我智似陽子妻曰陽子華而不實主言而無謀是以難及其身子何喜焉伯宗曰吾飲諸大夫酒而與之語汝試聽之曰諾既飲其妻曰諾

大夫莫子若也然而民不能戴其上久矣難

必及于子。盍極索士。慙庇州。犁焉得畢陽及
樂弗忌之難。諸大夫害伯宗。畢陽實送州。犁
于荆。朝俱音潮難俱
去聲慙魚謹切

右第五十九章

○申公巫臣死。叔向欲娶其妻。其妻夏姬也。
母叔姬戒之曰。子靈之妻殺三夫一君。

而亡一國兩卿矣。尚可娶乎。吾聞之甚美。必
有甚惡。三代之亡。皆是物也。汝何以爲哉。夫
惟尤物足以移人。苟非德義。則必有禍。叔向

如此破國亡家之婦平公何必強叔向娶在叔向宜以死辭未必不允乃違母而從君已物移人叔向之賢且不免也惜哉

懼不敢娶平公強使娶之。生伯石叔姬往視之。及堂聞其聲而還。曰。是豺狼之聲也。其必喪羊舌氏矣。後晉殺祁盈及揚食我。遂滅祁氏羊舌氏。

大惟之夫音扶強上聲喪去聲

右第六十章

○魯漆室女過時未適人。倚柱而嘯。鄰婦曰。子欲嫁乎。曰。非也。予憂者。魯君老。太子幼。鄰婦曰。此丈夫之憂也。女曰。不然。昔有客過。繫馬園中。馬逸踐予葵。使予終歲不飽葵。鄰女

奔使予兄追之逢水溺死使予終身無兄予
聞河潤九里漸洳三百步今魯國有患君臣
父子皆被其辜婦人獨安所避乎三年魯果
亂

右第六十一章

○陳嬰爲東陽令史秦末大亂東陽少年殺
其令欲立嬰爲王嬰母曰自我爲汝家婦未
聞汝先有貴者今暴得大名不祥不如以兵
屬人事成少受其利不成禍有所歸嬰乃止

以兵屬項梁

餘即

少年之

王陵以兵屬漢項

羽執陵母置軍中欲以招陵陵使至陵母私

送使者泣曰爲老妾語陵善事漢王漢王長

者終得天下無以老妾故懷二心遂伏劍而

死陵與高祖定天下位丞相封安固侯

使俱去聲

爲去聲長上

論曰此班叔皮所謂嬰母知廢

聲相去聲
陵母知興者也

右第六十二章

○秦攻趙于長平趙王使趙奢之子括代廉

頗爲將括母詣王上書言括不可使王曰何
也母曰括父爲將身所奉飯而進食者以十
數所友者以百數得賞賜盡以與軍吏士大
夫受命之日不問家事今括一旦爲將東向
而朝軍吏無敢仰視者王所賜金帛歸藏于
家而日買便利田宅父子異心願王勿遣王
曰母置之吾計決矣母曰如有不稱妾請無
隨坐王許之括果敗死王以母爲仁智

將俱去聲

朝音潮
稱去聲

右第六十三章

○河南太守嚴延年陰鷙酷烈冬月論囚流血數里河南號曰屠伯延年母從東海來適見報囚大驚便止都亭不肯入府因數責延年曰天道神明人不可獨殺我不意當老見壯子被刑戮也去汝東歸掃除墓地耳遂去歲餘延年果得罪棄市東海莫不賢智其母

守去聲
鷙音至

右第六十四章

○楚江乙爲郢大夫有人王宮盜者令尹以罪乙請於王而黜之居無何乙母亡布八尋言於王曰妾夜亡布八尋令尹盜之王曰信然乎母曰令尹不身盜之也乃使人盜之王曰如何母曰昔孫叔敖爲令尹道不拾遺門不開關而盜賊自息今令尹耳目不明盜賊公行是故使盜得盜妾之布王曰令尹在上寇盜在下令尹不知何罪焉母曰吁大王何言之過也昔妾之子爲郢大夫王宮失盜妾

子坐而黜妻。子亦豈知之哉。令尹獨何人。而不以是爲過也。上不明則下不治。相不賢則國不寧。所謂國無人者。非無人也。無埋人者也。王其察之。王曰。善。命償其布。賜金十鎰。母辭曰。妾豈貪貨。怨令尹之治也。遂去。不受。王曰。母智若此。其子必不愚。復召用江乙。相去聲

右第六十五章

○辛毗女憲英。羊耽妻也。弟敞爲曹爽參軍。司馬懿謀誅爽。敞問于姊曰。天子在外。太傅

開城門人云不利國家信乎憲英曰以吾度
之太傅誅曹爽耳。敝曰然則事就乎。曰就爽
才非太傅偶也。曰可無出乎。曰職守人之大
義也。凡人在難猶或卹之執鞭而棄其事不
祥莫甚焉。若夫死難則親昵之任也。從衆而
已。敝遂出及事定嘆曰吾不謀于姊幾不獲
于義。節。度入聲難俱去聲。夫音扶已音以。魏主使鍾會入寇
憲英聞之曰。會在事縱恣非持久處下之道。
吾懼其有他志也。會將行請眭子琇爲參軍。

憲英憂曰。今日難至吾家矣。使琇固辭。魏主
不許。憲英謂琇曰。行矣。戒之。古之君子。入則
致孝于親。出則致節于國。在職思其所司。在
義思其所立。不遺父母憂患而已。軍旅之間。
可以濟者。其惟仁恕乎。會至蜀。果變。琇竟以
全歸。難去聲
已音以

右第十六章

○許允爲吏部郎。多用其鄉人。魏主遣虎賁
收之。妻阮氏謂曰。明主可以理奪。難以情求。

既至和苑主怒詰之允對曰舉爾所知臣之鄉人臣所知也陛下檢校若不稱職臣受其罪既檢校皆官得其人於是乃釋允衣服敗壞詔賜新衣初允被收舉家號哭惟阮氏自若云勿憂等還作粟粥待頃之允果至節。賁。音奔稱去却年號平昔耳後允出鎮北謂阮氏曰吾其免矣阮曰禍見于此何免之有允與夏侯玄李豐善事未發而以他事見收門生奔告阮坐機上神色不變曰早知爾爾門生欲匿其子阮曰

無預_出兒事。乃移居墓所。大將軍遣鍾會視之。曰。父便收兒以語母。母曰。汝等雖佳才。具不多。率_多智懷與會語。便自無憂。不須極哀。不可_數問朝事。兒從之。卒免于禍。朝音潮

右第六十七章

○吳孫休爲琅邪王時。丹陽太守李衡數以事侵王。衡妻習氏諫不聽。王上書乞徙他郡。吳主移_以之會稽。及孫綝廢吳主亮。迎王立之。衡憂_懼。謂妻曰。不用卿言。以至於此。今欲奔

魏何如妻曰不可。君既數作無禮而復逆自猜嫌，所於逃求活，以此北歸，何面目見中國人乎？衡曰：計將安出？妻曰：琅邪王素好善慕名，方欲台台顯于天下，必不以私嫌殺君。君可自囚詣獄，表列前失，顯求受罪如此，非但免禍，且當居優饒。衡從其計。吳主休優詔答之，加衡威遠將軍。邪俱音耶，守去聲，會音贈，復扶又切，好去聲。

右第六十八章。

○女嬃者趙簡子夫人也。初簡子伐楚，與津

代父之役從
權也無媒不
嫁守正也此
女可謂發乎
情止乎禮矣

吏期簡子至津吏醉不能渡簡子欲殺之娟
對曰妾父聞主君來渡不測之水禱祀九江
三淮之神既祭飲福不勝杯酌餘瀝醉至於
此妾願以賤軀代父之死簡子曰非汝罪也
釋其父弗誅將渡少機者一人娟攘卷而備
父役中流發河激之歌簡子曰昔者不穀夢
娶豈此女乎將使人祝祓以爲夫人娟再拜
辭曰婦人之禮非媒不嫁妾有嚴親在不敢
聞命遂辭而去簡子歸乃納幣於父母而娶

以爲夫人

婦音蠲勝

平聲

右第六十九章。凡人靜觀則智禍至

則昏。當夫患難猝來。克撐持者鮮矣。

有能嫻於辭令。片言解厄。或以理奪。

或以情求。總之轉禍爲福。非長舌利

口之流。所可同日語也。述免禍之言。

自此以下凡六章。

難去聲撐持庚切

○女媯者。齊傷槐衍之女也。景公有所愛槐。使人守之。懸木其下。曰傷者死。衍醉而傷槐。

公命吏執之女造晏子之門請曰妾聞明君
之涖國也不損祿而加刑不以私恚害公法
不爲六畜傷人民不爲野草傷禾苗今妾父
以社鬴故不勝麴蘖之味而傷槐君以槐故
欲殺之妾恐傷執政之法害明君之義也鄰
國聞之謂君愛樹而賊人其可乎晏子惕然
言于公而赦之罷守槐之令

靖音倩造音慥
爲去聲勝平聲

右第七十章

○弓工妻者晉繁人之女也于公時使其夫

爲弓。三年乃成。公引弓而射。不穿一札。怒。將殺之。妻請見曰。君聞昔者公劉之行乎。羊牛踐芟葦。惻然爲痛之恩。及草木。豈欲殺不辜者乎。秦穆公有盜食其駿馬之肉。反飲之以酒。楚莊王臣援其大人之衣而絕纓。與飲大樂。此三君者。仁著於天下。卒享其報名垂至今。昔帝堯茅茨不剪。采椽不斲。土階三等。猶謂爲之者勞。居之者逸也。今妾之夫。治造此弓。亦云勞矣。其幹之工於泰山之阿。一日三覩。

陰。三觀陽傳以燕牛之角。纏以荆縻之筋。糊以阿魚之膠。四者皆天下之選也。而君不能以穿一札。是君不善射也。乃欲殺妾之夫。不亦謬乎。妾聞射之道。左手如拒。右手如附枝。右手發之。左手不知。此蓋射之道也。平公依其言。遂穿七札。立釋其夫。賜金三鎰。行去聲 樂音洛

右第七十一章

○楚野辯女者。昭氏之妻也。鄭簡公使大夫聘于荆。至于狹路。有女乘車。轂擊折大夫車。

軸大夫怒將執而鞭之女。乃言曰：「君子不遷怒，不貳過。今於狹路之中，妾已極矣，而子大夫之僕不肯少引，是以敗子之車而反執妾。豈不遷怒哉？既不怒僕，而反怒妾，豈不貳過哉？」周書曰：「不侮鰥寡。」今子列大夫而不爲民表，遷怒貳過，釋怨于妾，豈不侮鰥寡哉？吾鞭則鞭耳，惜子之喪善也。大夫慙而無以應，遂釋之。

已音以
喪去聲

右第七十二章

○佛肸以中牟叛。趙襄子收其母。將殺之。母
自言不當死。請見襄子。襄子見而問之曰。不
當死何也。母曰。妾之當死。亦何也。襄子曰。汝
子反。母曰。子反。母何爲當死。襄子曰。母不能
教子。故使至於反。母曰。吁。此主君之過也。妾
聞子少而慢者。母之罪。長不能使者。父之罪。
今妾之子少而不慢。長又能使。妾何負哉。妾
能爲君長子。君自擇以爲臣。此君之臣。非妾
之子也。君有暴臣。妾無暴子。襄子曰。善。遂釋

之。佛音彌少俱去聲長俱上聲爲君之爲去聲

右第七十三章

○楚昭王之母曰伯嬴秦女也。吳入郢。昭王出亡。闔廬入其宮。以班處焉。伯嬴持刀而逆之曰。妾聞天子天下之表。公侯國之儀也。天子失制。則天下亂。諸侯失節。則國危。夫婦之道。人倫之本。王教所甚嚴也。諸侯外淫者。絕卿大夫外淫者。放士庶人外淫者。宮夫仁失。可復以義。義失。可復以禮。惟男女之禮失。不

可復也。今君王棄儀表之行。縱亂亡之徵。犯誅絕之事。其何以行。令訓民。妾聞生而辱。不若死而榮。吾其死也。吳子慙而退舍。夫仁之夫音扶

儀表之行去聲

右第七十四章

○牧誓曰。古人有言曰。牝雞無晨。牝雞之晨。惟家之索。

右第七十五章。婦言通論也。婦人無

外事。雖緘默以何傷。故多言不如寡

戒多言乃讒
邪諂媚和口
妄言耳若上
所載非力申
大義何以免
其父其夫其
子與已身之
辱乎則言曷

可少也要之
女子所貴以
堅貞明理為
主堅貞則操
守不渝明理
則言必合禮
苟性不貞理
不明即終身
緘默而陰懷
妬嫉更可畏

言寡言不如無言。議論風生非家之
福也。書曰。惟口起羞。孔子曰。君子欲
訥於言。況婦女乎。不得已而有言。必
如班氏所謂擇詞而說。不道惡語。時
然後言。不厭于人而已矣。述婦言通
論。凡四章。已俱音以

○曲禮曰。外言不入于梱。內言不出于梱。

右第七十六章

○詩曰。哲夫成城。哲婦傾城。懿厥哲婦。為梟

爲鷗婦有長舌。維厲之階。亂匪降自天。生自婦人。匪教匪誨。時維婦寺。

右第七十七章

○李氏女戒曰。藏心爲情。出口爲語。言語者。榮辱之樞機。親疎之大節也。亦能離堅合異。結怨興讐。大則覆國亡家。小則六親離散。是以賢女謹口。恐招恥謗。或在尊前。或居閑處。未嘗觸應答之語。發諂諛之言。不出無稽之詞。不爲調戲之事。不涉穢濁。不處嫌疑。

右第七十八章

典故卷之二 終

